

17

22



# POSTERIOR APPENDIX, PRO

DON DIONYSIO SANCHEZ

M V Ñ O Z.

INITIVM A DOMINO.

Denuo fuscitatis à Dominis dubitationibus, commodius respondebitur eisdem ob oculos propositis.

## PRIOR DVBITATIO.



VM principalis huius causæ disputationis sit, an in villa de Scrice tempore executionis ipsius vigerent fori ge-

nerales Aragonum: an vero particulares Turolis; resultat ex processu, quod prævalet probatio ciuitatis: cū testibus pro ipsa productis adiungantur iuris præsumptio, resultans, ex quo villa de Scrice consistat intra territorium Ciuitatis, & Communitatis Turolis: & aliqua instrumenta; & præsertim actus possessionis Gasparis Sanchez Muñoz productus pro parte Don Dionysij, in quo reperitur condemnatio facta ad nomen dies: & hoc est iuxta foros Turolis. Pro parte vero Don Dionysij, nullus actus reperitur coadiuvans eius probationem, saltem tempore executionis, vel ante illam. Et

in antiquis prævalet probatio testium, cum aliquibus instrumentis (& si minor numero) probationi testium simpliciter.

Breuius pro temporis angustia, & virium imbecillitate, huic dubio respondendum est. Quod duas videtur includere præcipuas difficultates. Prior est, quòd ex situatione Castri, & Pardinæ de Scrice intra territorium, & districtum communis Turolis. Quid? prope ipsammet ciuitatem, iuris præsumptione resultet, Castrum, & villam præfactam non solum esse de pertinentijs Communitatis; sed etiam leges, & foros particulares illius vocatos de Sepulueda, fuisse promissos, & datos post instaurationem vniuersalis eius territorij à Sarra-ccenis concessos per Reges Aragonum toti illi terræ, eiusque populatoribus; & per consequens villæ de Scrice. Pro quo

A ponde-

ponderatur a dominis forus Tu-  
roli, *De los terminos de la Ciudad  
de Teruel*, qui incipit, *Primera-  
mente, Fol. 1.* dupliciter expen-  
sus. Primò, quia sub limitatio-  
nibus & designationibus eius-  
lati fundi, quod concessum fuit  
populatoribus Turoli, circun-  
cluditur Castrum, siue villa de  
Sriche.

Secundò, ex quo in calce il-  
lius fori adijciuntur hæc verba.  
*Finalmente do, y atorgo a los dichos  
pobladores, todos aquellos fueros, y  
costumbres, los quales a mi deman-  
daran, y a su utilidad buscar poran  
en alguna manera. Quo fieri vide-  
tur, petitos deinceps, & conces-  
sos particulares foros Turoli, cœ  
feri vniuersæ illi terræ à Mauris  
recuperatæ, omnibusq; popula-  
toribus eiusdem: ac subinde  
Castro quoq; , & villæ de Scri-  
che fuisse concessos, secundum  
illosq; iurisdictionem fuisse ibi-  
dem exercitam, & exerceri de-  
bere, quamuis ea distincte pro-  
fiteatur in concordia partium à  
iurisdictione Turoli, & Commu-  
nitatis.*

Quo vero ponderationibus  
his fiat satis, & certa ab incertis  
separentur, negari nemo potest,  
situm Castri, & villæ de Scri-  
che, eamque comprehendi sub  
præfatis limitibus. At, nec ne-  
gari potest, sub eisdem compre-  
hendi (ex processu) complures  
alias villas, ac pleraque municipia  
Baronum, & Ecclesiarum, in  
quibus dubio procul concluden-  
ter probatum est, ab immemo-  
rabili viguisse, & vigere foros  
generales Aragonum, & secun-

dum illos iurisdictionem ibidem  
exerceri. Probatum est (inquam)  
hoc concludenter, quia tamen si  
in ritibus processuum, & in in-  
strumentis actitatis, & receptis  
per imperitissimos Aldearum  
tabelliones, incolas sæpè Ciui-  
tatis, vel Aldearum Turoli, pro-  
bentur aliquando obseruatos in  
istis villis, quæ non sunt pars,  
nec portio Communitatis, foros  
Turoli; in substantialibus verò  
veluti consistentia vnius Iudicis  
ordinarij, independentis ab om-  
ni recurſu iudicum illorum Tu-  
roliensium de Viernes, Plaços, y  
Padron. Et cum vnico, & imme-  
diato recurſu ad Regiam Au-  
dientiam, & Curiam D. Iustitiæ  
Aragonum; quæ substantialiter  
apponuntur foris Turoli, &  
essentialiter conueniunt, & ad  
stipulatur foris generalibus Ara-  
gonum, vt facile sit inde conij-  
cere, nequaquam generaliter fo-  
ros illos expromissos nouis po-  
pulatoribus, deincepsq; Turoli,  
& Communitati in particulari  
concessos, fuisse receptos in vni-  
uersali illo territorio, siue lati-  
fundo, oppidisve omnibus sub  
illis limitibus comprehensis: imò  
nec eos foros particulares apud  
Castrum, & Villam de Sriche  
viguisse, nec vigere, vt infra.

Illud præterea constitutissi-  
mum esse videtur, præinserta  
verba allegati fori. *Primeramen-  
te, sub Rubicella, De los termi-  
nos de Teruel, fol. 1.* nullam con-  
tinere, siue generalium Regni,  
siue particularium de Sepulue-  
da, aliorumve fororum, particu-  
larem concessionem, sed expromissio-

missionem quandam concedendorum fororum, qui fuissent petiti à populatoribus; in qua promissione, velut in voto, potentia, vel habitu suberant quicunque fori, siue generales, siue particulares, deinceps peterentur. Cæterum, (tantum abest) quod ex eo foro, alijsve Turoli, siue aliunde constet vniformiter; vel generaliter, deinceps omnibus populis, omnibusq; populatoribus foros particulares Turoli fuisse impertitos, quod imo ex ipsismet foris, illorumq; usu, & obseruantia, clarè deprehendatur, solum Castro, siue ciuitati Turoli, & ipsius Aldeis, ex quibus eius communitas conficitur, & Albarrazino, & suis, villæq; de Mosqueruela fuisse solummodo, & taxatiue, eos particulares foros impertitos.

Eo igitur controuersia, & disceptatio ducitur, vtrum ostendatur, & resultet ex processu aliqua qualitas, vel specifica differentia, ex qua Castrum, & villa de Sriche contrahatur, distinguatur, & separetur in hoc articulo concessionis, & usu fororum particularium Turoli, ab ipsa Communitate, & Ciuitate. Si enim non constiterit legitime de tali qualitate, & differentia, vix diffiteret præsumptionem à Dominis consideratam, vrgere. Ex quo enim toti illi terræ promissi fuerunt fori, quos postularent, & deinde cōcessi fuerint particulares fori de Sepulveda Turolo, & Communitati, siue Aldeis, non sub appellariuis nominibus, sed sub collectiuis,

omnis populus, qui reperiretur sub illis limitibus, tanquam de pertinentijs Turoli, suis, quoq; legibus censeretur insignitus, & sub illis populatus. Eodem tamen iure aduersarii cogentur fateri, nequaquam sub illis legibus villam de Sriche, aliasve, licet sita, intra territorium ciuitatis, & Communitatis Turoli, nec petisse deinceps, nec accepisse eos foros particulares, sed generales Aragonum, illisq; vsas fuisse, si legitime probetur nunquā villæ de Sriche, cæterisq;, quæ non sunt de communitate, licet situentur intra ipsam, præfatos foros fuisse concessos, nec illos apud ipsas viguisse, & obseruatos fuisse, sed generales Aragonum.

Punctus est igitur id comprobare. Comprobatur autem tum intrinsecè ex concessione dictorum fororum Turoli, siue de Sepulveda: tum etiam extrinsecè ab usu fororum generalium Regni, & ex probationibus in præfenti processu factis.

Intrinsecè inquam, quia id, quod in voto, habitu, & potentia promissum fuerat, nouis populatoribus Turoli, de sibi erogandis foris, quos postularèt generaliter, & comprehendendo pro tunc omnes populos, & omnes populatores intra illud latifundum consistentes; reductum deinde fuit ad actum restrictum, limitatè, & taxatiue, Turolo nēpe, suis Aldeis, siue Communitati, Albarrazino, & suis, & villæ de Mosqueruela, particulares foros quo ad plurima conceden-



cedendo (in his enim, quæ particulariter in dictis foris non cauentur, Ciuitates, Communitates, & villa prædicta foris generalibus Regni cõprehéduntur, vt concludenter conuincunt fori Turolenses, & fundamenta allegatos, & expensã. Et Bardaxi in foro de iuramento præstando, per Dominum Regem, ex nu. 3. cum multis seq. quamuis articulus ab eo non decidatur: quia forsan tunc sub Iudice pendebat) vt manifestè constat ex foro nostro de iuramento præstando per Dominum Regem. In quo, cū Turolenses, & Albarrazinenses, ad Curias generales Aragonum semper conuocati fuerint, in eisq; interuenerint, vt ex foris nostris generalibus deprehenditur, duplici respectu: tum pro conseruandis, siue immutandis foris particularibus (quæ res inter ipsos, & Dominos Reges Aragonum absq; Curia generali peragebatur) tum etiam, tanquam Regnicolæ pro condendis foris vniuersalibus cum Curia generali, tanquam partes, eiusdem integrales. Nec enim aliàs oportere, quod ad eas conuocarentur, in fœmentis fœderunt, iudicium suum de legibus promulgandis ferrent, pro vt semper conuocati fuerunt, fœderunt, tulerunt. Enixè corauerunt, vt Dominus Rex sibi ipsis taxatiue, & restitutiue suos foros particulares, iuramento mediante, obseruare, & custodire promitteret, prout iurauit, promisit. Quod dubio proculsi actus Curiarum percurrere.

tur, in omnibus Curijs renouatum reperietur, imò & eo ipso, quod forus is de iuramento præstando per Dominum Regem, post singulas Curias manet in volumine fororum, renouatum quoq; videtur, & cum alijs sacramento vallatum in nouo cuiusuis Regis Aragonum ingressu.

Insuper clarissimè quoq; intrinsecè, ex compluribus foris particularibus Turol, & Albarrazini deprehenditur, limitata & restricta eorundem concessio ad Turolum, Albarrazinum, & vtriusq; Communitates. Primo quidem ex notabili foro sub Rubricella, *del que quebrantara los fueros*, &c. fol. 8. vbi Turolenses, & Albarrazinenses cum Domino Rège notabiliter ingentes censuras, & maledictiones mediante Petro Episcopo Casaragustani promulgauerunt, siue magis Episcopus ipse protulit & promulgauit. Et legitur clare in illo foro cõcilia vtriusq; Ciuitatis, & Cõmunitatis in se recipere, & admittere poenas, censuras, & maledictiones præfatas: argumētum euidentis, quod obseruati illorum fororum ad eos tantum extendebatur populos, & populatores, qui erant de dictis concilijs.

Secundo accedit forus Turol, sub Rubicella, *De comissiones y reserptos*. fol. 5. dupliciter ponderatus. Primo, quia expressissimè præsupponit, forum Aragonum euocationem per horreſcentia permittentem Regiæ Audienciæ, locum quoq; habere in Turol, Albarrazino, suis

suis Aldeis, & villa de Mosqueruela. Deinde ponderatur, quia formam, quam futuris euocationibus præscribit, dictis verbis restringit ad easdem solas Ciuitates, Aldeas, & Villam.

Tertio, intrat forus Turoli, sub Rubricella, *Que Officiales de la Real Audiencia*, fol. 15. in quo limitatè ad easdem Ciuitates, Communitates, & Villam enarratur, illas habere foros particulares, & statuitur, ne liceat Regis officialibus accedere ad dictas Ciuitates, Aldeas, & Villam pro executionibus faciendis.

Quatto, ponderatione dignus est, ad idem forus Turoli, sub Rubricella *De comisiones y rescriptos*, fol. 50. in quo legitur, petitorio Domino Regi porrecta per Ciuitates, Aldeas, & Villam sæpe dictas, & concessio deinceps in eo foro nominatim, & limitatè à Rege facta eisdem.

Quinto, ad idem extenditur forus Turoli, sub Rubricella, *Que el padre no sea tenido pagar por el hijo*, fol. 78. quatenus priuilegium, vel forus ille conceditur nominatim Turolo, & Aldeis.

Et si diligenter euoluantur dicti fori, reperiuntur passim concessi, & stabiliti taxatiuè Ciuitatibus, Aldeis, & Villæ prædictæ, earundemq; concilijs, & nequaquam alijs. Sicut etiam eodem, & non aliquod aliud oppidum in aggregatione generali de anno. 1598. illius terræ ad foros generales Aragonum nominatim fuerunt aggregatæ, & vnite.

Dixi autem ex prædictis, &

alijs foris generalibus Regni, & particularibus Sepulcedæ intrinsecè deprehendi, eosdem particulares foros villam de Scriche non comprehendisse, neq; in ea iuxta eos iurisdictionem exercitam fuisse; quia quamuis solis foris de per se, id non ostendatur, ex quo non nominibus appellatiuis, sed collectiuis mentio in eis fiat de Aldeis, coniuncta tamè externa probatione, quòd villa & Castrum de Scriche, nullo vnquam tempore fuerit Aldea Turoli, nec de concilio Communitatis, nec de territorio, & iurisdictione ipsius (licet intra illud consistat) & in eo probationes vtriusq; partis, imò & confessiones concurrant, commixtis his duobus capitibus, necessario, & inenitabiliter consequitur, ex foris ipsis vtrisque generalibus Regni, & particularibus Turoli intrinsecè (prædicto modo re exposita) colligi, foros particulares Turoli Castro, vel villæ de Scriche, nec petitos, nec concessos vsquam fuisse.

Vnde, & respondetur inscriptioni dictorum fororum particularium Turoli, quatenus ibi referrur, siue enunziatur, summam esse, *De los sueros de las Ciudades de Santa Maria de Albarracín, y de Ternel de las Comunidades, de las Aldeas de dichas Ciudades, y de la villa de Mosqueruela, y de otras villas conuexinas*. Quæ posteriora verba videntur suggerere, foros eos ad villas quoque conuecinas pertinere. Villa autem de Scriche, conuicinior est omnibus, non enim est deferendum

dum inscriptioni illi, quæ incaute forsan irrepsit, contra expressas tot dispositiones prædictorum fororum. Et ubi illi deferendum esset, adhuc res esset aperta: cum probatum sit in partium concordia, Castrum & villam de Seriche, nullo unquam modo adiacuisse Turolo, neque extitisse Aldeam ipsius; sed quid distinctum, & omni modo separatum. Igitur apparet evidenter, intrinsece ex utriusque foris particularibus Turoli, nec petitis; nec concessis fuisse villæ, & Castro de Seriche.

Consonat prædictis observantia, siue usus subsequutus. Nam quamvis uniuersa fere controuersia Turoli, & Don Dionysij in hac lite vertatur in hoc articulo observantia fororum generalium Regni, siue particulariū Turoli in villa de Seriche, in quo partes sunt in perpetua discordia, tamen tam facile omnibus testium, & documentorum probationibus, argumentis & coniecturis, diligenter rimatis, & vndique perpensis, facile Dominos meos arbitraturus fore, & iudicaturus, longe superiorem esse in hac probationem Don Dionysij pro observantia fororum generalium Regni in villa de Seriche, quam extiterit contraria probatio ciuitatis de observantia fororum particulariū Turoli, qua de re doctissimus Dominus cause Relator erit potissimum consulendus, nec non & scripta à nobis tam in discursu, quam in appendice.

Quibus adiecerim illud, quod

quamvis qualis qualis controuersia resultet ex instrumentis, & documentis productis in processu, ex quibus argumenta aliqua, tam pro ciuitate, quam pro Don Dionysio hinc inde refutant; & ponderantur, quorum qualis sit habenda ratio, Dominorum erit grauissimum iudicium.

Mihi tamen duo videntur constitutissima. Alterum, concursum contrariorum argumentorum, & coniecturarum ortum habuisse. Primo, à depopulatione villæ de Seriche. Secundo, ex quo partes, quæ contractus inlere super villa de Seriche, procuratores ipsarum, tabelliones ite, qui instrumenta dictorum contractuum receperunt, & fuerunt testificati, apud Turolum commorabantur, permixtimq; omnes imbuti erant legibus, & foris generalibus Regni, & etiam particularibus Turoli; & inde facile eisdem permixtim quoque utebantur. Alterum vero, certiora longe, & apertiora multo esse argumenta, quæ vrgent pro observantia legum generalium Regni in Castro, & villa de Seriche, consideratis his, quæ supra perpensi, & in discursu, & appendice, & perpensa scriptura donationis Castri, & villæ de Seriche factæ à Canonico Garzia Martinez de Marzilla, Sanctio Martinez de Heredia nepoti, in qua apud Turolem facta, non quidem à Procuratore non quidem à Notario, non quidem in attendentijs, non quidem enūnciari ne, sed serio, ac



dispositiue propter se, & ab ipsismet paribus dispositum fuit, quod fidantia præstaretur salutaris (peculiare quid fororum Aragonum) & etiam fuit dictum, quod insinueretur iuxta forum Aragonum, de insinuationibus donationum. Sunt & alia multa similia adminicula resultantia, ex alijs publicis scripturis longissime superantia probationes, & argumenta ipsius ciuitatis.

Ex quibus submouetur etiam obex à Dominis sæpissime ponderatus, ducto argumento à situ Castri, & Villæ de Seriche, quamuis enim circumclusa, & velut clauo affixa conspiciatur ex processu, tanquam in centro latifundi, siue territorij Ciuitatis, & Communitatis Turolinon tamè est de territorio. Est enim alienæ iurisdictionis, & alijs legibus gubernatur, nempe, generalibus Aragonum, vt abunde demonstratum est. Et vterius confirmatur ex expresse articulatjs à Ciuitate, articulo 1. cedula dicendo, vbi fatetur, terram illam deficientibus foris Sepuluedæ, gubernari ad foros Aragonum. Quod si admittitur à parte aduersa in ipsisset ciuitatibus Turolis, Albarrazini, suis Aldeis, & villa de Mosqueruela, longe forius procedet respectu Castri, & villæ de Seriche, quam ex titulo, & possessione constar, foros particulares Sepuluedæ nunquam comprehendisse, nec ei fuisse petitos, neq; concessos. Quod & conspicitur respectu multorum aliorum oppidorum, Baronum, &

Ecclesiæ, non minus circumcluserum intra territorium Communitatis, quæ nihilominus cū ea iurisdictionis, & fororum respectu nihil vnquam (in substantialibus saltem) habuerunt commune. Et ita quod Cagnolus refert dari posset Castrum, cum termino circumscriptum, ac velut clauo affixum in alieno territorio, & intra illud cum propria, & peculiari iurisdictione, exemptum quidem, à iurisdictione territorij continentis. Nequaquam diffitemur: cum id quotidie experiamur in temporalibus, in omnibus Communitatibus Regni, & alibi sæpissime. Item & in spiritualibus, vt videmus in insigni, & præstantissima Ecclesia Beate Mariæ de Pilari Cæsaraugustana, quæ situata prope sedem Archiepiscopalem, à iurisdictione ordinaria eximitur. Et ita quamuis verum sit dicere, eam consistere intra diocesim Cæsaraugustanam, nequaquam tamen erit verum simpliciter dicere, eam esse de diocesi Cæsaraugustana, simpliciter inquam, quia saltem quo ad essentialia de diocesi non est: cum sit exempta.

Verum forsitan esse, & vt ad scopum reuertamur similia Castra, oppida, Ecclesias alterius iurisdictionis, in dubio gubernari censei legibus territorij continentis. At in clavis coniecturæ cessant. Clarissimum autem est, ex prædictis petitione, concessione, dispositione, vsu, leges particulares, Turolis limitare, ad alios fuisse concessas, ad Domi-

num vero Incolas, Castrum & terminū de Scribe, nequaquā.

Posterior vero difficultas pre cedētis prioris dubij spectat, ad ponderationem instrumenti nactæ possessionis Castri, & villæ de Scribe, per Gasparem Sanctium Muñoz, in qua legitur, condemnationem tanquam Dominum iurisdictionis fecisse, vt condemnatus solueret ad nouē dies. Quæ res parum me morabitur, cum aduerterim, articulum hunc esse coniecturalem, qui tamen licet implicatus videatur, coniecturis hinc inde contrarijs, sunt tamen longissimè excellentiores, & præstantiores, quæ pro Don Dionysio urgent: speroque grauissimos Dominos Regios Senatores substantialia potius, in quibus est fere sine controuersia in proposito intentio Don Dionysii, ita arbitrarios.

### Secundum dubium.

**E**Xemptio in bonis mobilibus Ciuitatis non erat necessaria, quia monita fuit, vt specialis possessora dictæ Pardinae: quo casu, non est necessaria inuestigatio.

Occurrit secundum dubium, quo dicitur, defectum inuestigationis bonorum mobilium Ciuitatis Turoli non inducere nullitatem venditionis curiæ, Castri, & Pardinae de Scribe: quia monita fuit ciuitas, non tanquam hæres vniuersalis, nec iure propriæ obligationis, sed tanquam defensor Castri & Pardinae de Scribe, sin-

gulari, & speciali iure obligata: quo casu Doctores videntur sentire, nulla facta excussione bonorum mobilium, posse distrahi sedentia, ex l. 2. c. de pignor. Chasseneæ, rubr. 11. §. 6. vers. contre le principal. num. 7. Molina, de primoge. lib. 4. c. 7. num. 24. Soci. Sen. conf. 158. num. 27. in 2. Plebanus. §. obligatio. num. 23.

Sed in huiusmodi dubio solum est perquirenda vera praxis necessitatis inuestigationis mobilium, & vtrum generalis praxis fori vniui, De monitionibus, & citationibus. Istum quoque casum specialis hypothecæ comprehendat. Cum enim monitio contumace, & rationes non offerente, ad executionem quoque priorum bonorum procedatur, æquum videtur, vt fiat transitus necessarius per mobilia ante executionem sedentium.

Nec his videntur aduersari, quæ Plebanus vbi proxime resoluit, quæ magis ad prælationem specialis hypothecæ referenda videntur, licet Chassanæ, Soci. & Molina, contrarium resoluant.

### Tertium dubium.

**E**T si iuxta foros Turoli fieri executio deberet intra duos annos, hoc tamen procedit, vt ipse forus dicit (saluo iusta causa) quæ causa reperitur in hoc casu: cum antequam compleverentur duo anni, fuit appellatum al. Iuez de Viernes: & sic non sterit per indicem executantem.

Cum tota intentio Turolen-  
sium, vt potissimum, manifestaq;  
nulli-



nullitatem huius executionis, ob defectum iudicis procedentis subterfugiant, se teneat ex quo leges particulares sunt, & non generales Regni viguerint apud Castellum & Pardinam de Seriché (assumptum quidem, ne dicam difficile, sed impossibile) contendit Don Dionysius etiam secundum leges illas, cassam, & nullam extitisse executionem, ex foro *De las entregas*, sub rubricella, *Que las entregas sean finidas*, fol. 30. a nobis expenso, & in hoc dubio mentionato. Obijciunt Domini Don Dionysio sequentia. Primum, forum illum casum quoq; fallentialem continere iusti scilicet, subsistentis impedimenti, & de eo constituisse, cum in literis narratiuis executionis, & venditionis curia per Turo-lum exhibitis, proponatur à quadam interlocutoria appellatum per Honoratū Sanchez Muñoz ad Iudicem diei veneris. Secundum, pro hoc impedimento, & eius duratione præsumendum esse: cum eo non obiecto, nec de eo in specie excepto, vel replicato per Don Dionysium nõ sit quod imputetur ciuitati, si impedimenti durationem non probauerit. Tertium denique, quod, huic nullitati videatur præscriptum lapsu triginta annorum.

Non tamen ponderationes huiusmodi obesse videntur Don Dionysio. Prima enim submo-uetur, ex quo forum ille regulam contineat, executionem non terminatam intra biennium, esse ipso foro, & facto, nullam, sub

hac militat Don Dionysius, & exceptionem, protendi posse ultra biennium ex iusta causa. In hac se fundat ciuitas Turoli. Dõ Dionysius includitur ex lectura fori. Ciuitas perquirat iustam causam impedimenti ex appellatione relata in literis narratiuis. Sed insufficienter, quia vltius enarrandum in ipsis erat, quod pars, quæ postulauit executionem aduersam partem, & iudicem insteterit pro impedimento submouendo, nec aliàs impedimentum sui natura facile terminabile, perdurare censetur, nec debitam excusationem parit, .*glos. notab. in cap. cupientes. in §. quod si per viginti. in verb. proposita. de elect. in 6.* Ex qua .*glo.* Imolam sic obtinuisse refert Iaso. in l. nõ exigimus. §. quod diximus, num. 7. ff. Si quis cautio. quod vbi aliquis lege adstringitur ad aliquid expediendū certo tempore non excusatur, nisi protestetur, quod per ipsum non stetit. Et quod magis est, etiam constituto de impedimento, protestatio requiritur. Et hoc est quod Iaso refert Imolam obtinuisse, quamuis ab hoc vltimo de necessitate protestationis, siue impedimento legitimo constet, ex Bart. ibidem discedit Iaso vbi proximè. Vtrumq; dictum late ornat Becius cõf. 104. ex num. 2. cum seqq. & Massuerius ad Petrum de Ferrara in praxi, tit. de forma libelli. respon. iud. a quo. vers. statuit, & assignauit. sub additione litera C. pag. 270. & omnino videndus Don Gaspar Masstrillus Decis. Regni Scicilie. 185. Apud quem

Posterior Appendix,

quem ex facto dubitatum extitit, an statuto termino finiendæ instantiæ, illud currat, impedimento stante. Vbi resoluit, tempus non currere, quod regulare esse dicit, ex tex. & glos. in c. venerabilis, de iudi. & in l. si cū ipse, ff. de excusatio: tutor. Maranta in speculo par. 5. limita. 1 2. num. 30. Rolan. conf. 82. num. 7. in. 4. vbi tamen Mastrillus appositisimè ad propositum ex communi censura Doctorum docet, duobus casibus ab eà regula discedendum esse.

Primo, quando impedimentum de facili poterat submoueri, imo & quando difficulter extremum conatū impeditus, adhibere debet pro illo submouendo, nec alias ex eo excusatur. Ita ex Bal. in l. si. in fi. c. de adulter. Paul. de Castro, Imol. & Soci. in l. quibus diebus, in prin. ff. de condi. & demo. & Feli. in c. venerabilis, de iudi. limita. 3. abunde Crauetta conf. 270. num. 2. vbi pulchre distinctionem præcedentē amplectitur, docens, Iasonem & alios dubitasse de necessitate protestationis; neminem tamen dubitasse, quin summus conatus adhibendus sit pro submouendo impedimento: Et quod de eo constet. Alioquin subdit Crauetta, quod si Iaso aliter sensisset, pessime, & contra omnes loqueretur: Et addit præterea Crauetta discrepante nemine, sic omnes tenuisse, nec aliquem discrepare potuisse: cum sint de hoc iura expressa (ultra supra allegata) in l. sed etsi per prætorum. in §. 1. ubi Bald. ff. ex quib. caus. ma-

ior. & in l. quibus diebus, in prin. ff. de condi. & demo. & in c. fina. de electione. de quibus Deci. in l. 1. n. 6. in fine. vers. nam isto casu. C. de bonor. posses. secundum tabul. cū alijs multis per Mastrillum allegatis supra num. 4.

Secunda limitatio, quod licet quando ex concordia antecedenti clarè constet de impedimento releuanti, protestatio nō sit necessaria, cæterum quando impedimentum non est talis natura, protestatio exigitur, & necessaria est, ne instantiā tempus labatur. Quod ex Crauetta, Decio, Eugenio, & Raudense per ipsum allegatis obseruat Mastrillus ubi supra num. 7. Et adhūc sensum reducendi sunt Tesaurus decis. 10. num. 14. & Chacheran. decis. 12. Mascard. conclus. 116. quatenus docent summo iure, non satis esse impedimentum probare, sed quod vltierius requiritur protestatio impediti, vt saltem procedant, quando de impedimento, & summo conatu pro eo submouendo, non apparet, & de summo conatu, benignius videtur, quod etiā absq; protestatione admittatur, vbi fuit admissum apud Mastrillum: quia constitit de conatu summo impediti, & de cauillationibus impediētis. At secus in occurrenti casu, in quo in impedimento sui natura facilimè amotionis, non constat, vel de minima diligentia, ad illud submouendum.

Imo potius caute ex aduerso, in hoc actum esse videtur, cum literas

literas narratiuas exhibuerit. Tui-  
rolum, cum nuda narratione in-  
terpositæ appellationis, & dili-  
gentiarū factarum ad eius pro-  
secutionem, quare autem ter-  
minata non fuerit, non exptimi-  
tur.

Accedit his, longissima tem-  
pora lapsa fuisse à subiecto præ-  
tenso impedimento: fuit enim  
appellatio interposita in articu-  
lo incidenti anno 1551. &  
fuit euocatus processus per  
eundem ad Regiam Audienciā,  
anno 1555. & sic effluxere circi-  
ter quatuor anni, & deinde post  
euocationem vsq; ad termina-  
tionē causæ, fere 30. anni. Aper-  
tum autem est, iudicem euocan-  
tem subrogari in locum iudicis  
processus, vt coram Regia Au-  
dientia facile pro submouendo  
impedimento, executionem in-  
stans, & impeditus submouere  
illud, & curare, & consequi per  
tot secula facile potuisset.

Vt ex his liquido appareat, im-  
pedimentum præfate appellatio-  
nis sui natura, facile submoueri  
potuisse nullomodo apparere, ne  
dicam summum, & extremum  
conatum impeditum adhibuif-  
se ad illud submouendum; sed  
nec de aliquo conatu, vel etiā  
minimo constare, & deniq; deffi-  
cientibus solummodo octo men-  
sibus pro cōplenda præscriptio-  
ne dicti fori, affluxisse fere qua-  
tuor annos ab appellatione, ad  
euocationem, & ab euocatione  
ad terminationem processus, tri-  
ginta parum plus, vel minus. Sed  
nec minus certum est, coniun-  
genda esse de iure extrema tem-

porum vtilium deducto é medio  
tantum tempore, quo impedi-  
mentū sub fuit. Quamvis enim  
forus ille Turoli, non exprimat  
duos ab eo prestitutos annos de-  
bere continuo currere, de iure  
tamen dicti anni intelliguntur  
continui, glo. notab. in Rubri. ff. de  
diuer. & tempora. præscrip. Abba.  
in c. fin. circa finem de electiv. Lap-  
pus, alleg. 47. quos sequitur An-  
to. Bard. in tracta. de tempore vti-  
li & continuo. c. 3. n. 9. ex quibus  
manet satisfactum priori pondera-  
tioni Senatus Regij, in hoc vl-  
timo bubio. Quāuis enim forus  
ille iustam causam admittat, ad  
sistendum cursum eius præscrip-  
tionis, defecit tamē pars aduer-  
sa, in debita probatione iustæ  
causæ, & iusti impedimenti:  
quoniam iustum non censetur  
nisi cōstet de summo conatu, ad  
illud submouendum, nec alio-  
quin releuat.

Secunda ponderationi, quòd  
erat nominatim obijciendā,  
in specie ista nullitas, progre-  
diens ex determinatione dicti  
fori: quoniam obiecta, potuisset  
impedimentū adstruere & pro-  
bare, cum duracione. Responde-  
tur, distinguendos esse tres ca-  
sus, pro exactiori difficultatis, &  
articuli enucleatione.

Primus, quando nullitas de-  
ducitur in eodem processu, cum  
annullari petendo. Secundus,  
quondo in alio processu de per  
se agitur de nullitate, petitionē  
super eam offerendo. Tertius,  
quando in iudicio vendicatio-  
nis rei, vel alio cum legitima in-  
clusionē, vindicatur, & obij-  
citur



citur petitum reo competere, ex aliquo processu executiuo, vel altero, aduersus quem excipitur de nullitate. Primus casus, & secundus facillimi sunt: quoniam in priori satis est, quod nullitas proponatur sub genere, & attētis contentis, ut quotidiana praxi experimur.

In secundo putarem, nullitates in specie esse proponendas: ridiculum enim esset, petere agendo de per se de nullitate, annullare processum, nullitates non deducendo. Vnde forsitan ortum habuit decisio & praxis fori, *Querientes*, de firmis iuris. Quia cum in processu electionis iuris firmæ grauaminum factorum interposita ad Curiam Domini Iustitiæ Aragonum, de iniustitia, & nullitate agendum sit: merito cauit ille forus, quod nullitates in specie proponerentur.

Tertius casus dubitabilis forsitan videretur, an scilicet, in iudicio reuendicationis, quādo reus defenditur ex executione, vel sententia lata, si actor replicat de nullitate illius, oporteat nullitates in expresso proponere, quod in casu, resoluendum videtur, satis in indiuiduo, & in expresso, istam nullitatem eius fori censei deductam. Nam quod attinet ad foros, nulla allegatione egebant; quod vero attinet ad nullitatem, satis expresse deducta fuit: cum dictum extiterit, executionem, & venditionem extitisse nullas ex compluribus causis, & rationibus in iure, & foro consistentibus, & ex pro-

cessu resultantibus; ex quo violationis in expresso deducē, videntur huiusmodi nullitas, & aliæ omnes.

Mihi sanē perdifficile foret, semel actore incluso, replicante reo, de sententia, aut executione, proponenteq; documenta ad exceptionem comprobandā, manca tamen, defectuosa; & nulla, satis non esse dicere illam sententiam, vel executionem non obesse, tanquam nullas varijs ex causis, ex processu apparentibus. Conuenirem sanē in his nullitatibus, quæ externis adminiculis indigeret, eas id indiuiduo proponendas, & coadiuuandas esse.

In his autem, quæ ex ventre processus, fororumq; dispositione resultant, satis expresse propositæ videntur modo prædicto. Cum enim Turolum legitime inclusum, in petitione videret Don Dionysium, seseq; defenderet ex præfata executione, & venditione curiæ, illam sanē debuisset proponere legitimam, & omnibus numeris absolutam, nec enim alijs vinculis, & substitutionibus Don Dionysij potest obistere. Hæc est notabilis differentia proponendi nullitatem de per se principaliter, ut in duobus prioribus casibus supra propositis, vel incidenter, quod factum esse creditur in nostro casu, ut optime docet Vantius tit. quod & quib. modis nullitas in iudicio proponi possit. num. 24. ubi num. 32. docet, tunc incidenter deduci, quando per viam exceptionis, vel replicationis proponitur.

ponitur. Et quando proponitur isto secundo modo, concludit Vantius *ibi num. 21. ex Afflicto decis. 283. & Oldrado conf. 225.* nullitatem patentem, & ex processu resultantem, videri, & intelligi incidenter in iudicio deducta.

- Nec dicatur satis, nullitatem excusari ex mentionata in literis appellationes, quia ciuitas iura sua adeo expressa ignorare turpe erit iudicorum, & inexcusabile: ac proinde paria sunt nullam iustam causam excusationis allegasse, vel illam inutiliter proposuisse. Cum enim hec intrinsece ex processu, & foris resultaret, & dictum esset de nullitate executionis, & venditionis curiæ, incidenter proposita videri, & intelligi debet, vt punctum ex *Afflicto*, & *Oldrado Vantius obseruat d.n. 21.*

Nec me in contrarium mouet, quod ponderationi huic inter textum & additum fuit, nempe, non reperiri terminum, illi appellationi præfixum ex foris Turoli: quoniam non est sic computatio facienda, sed proposito termino, tam rigide processui executionis & subhastationis, sub nullitatis periculo, si interposita appellatio breui terminari poterat, breui quidem erat terminanda, vel alioquin probandū impedimentum factio iudicis, vel partis aduersæ & summu quidem conatum pro eo amouendo. Quod est dicere, non esse in presentiarum tractandū de appellatione ex se prosequenda, & terminanda, sed relatiue

correspondentiue, & in ordine ad processum executionis, & quantum illi fuit impedimento, ne terminaretur intra biennium ab eo foro præfixitum: quo casu non releuat, nisi docto de summo conatu amouendi præexistens impedimentum, prosequendi scilicet, & terminandi appellationem.

Quid quod? Si euoluatur fori Turoli, octo quidem, vel decem dies tantum ad similem appellationem terminandam, cuius interpositam ad diversum iudicem, iudicem nempe Padron, reperientur præfixa, quod si dispositiones iuris communis attendamus, tempora quoque præfixa sunt, vt de se patet, & omni casu resultat, appellationem illam non fuisse impedimento executioni periculis. Quæ & perfecta fuit, non alias ostenso, quod appellatio fuerit terminata, & impedimentum sublatum.

Tertiæ demum ponderationi, quod nullitati huic præscriptum sit, facile responderetur, nec enim constat a completa executione triginta annos efluxisse, & quia quæ sunt temporalia ad agendum perpetua sunt ad excipiendum, *licet C. de exception. l. in honorarijs. ff. de oblig. & act.* Et quia Don Dionysio post obitum fratris maioris natu ortum fuit ius ex propria persona ex habito fideicommissio, & statim ad iudicium apprehensionis prouocabit, vt prorsus indifficile sit, nullum illi præiudicium ex præscriptione prætensa suboriri potuisse.

Suma igitur prædictorum est, quod attinet ad substantiam, & rerum effências, apud villam de Scriche (quæ licet intra territorium Turoli velut clauo teneatur, vt Cagnol. in simili asserit in l. ff. de iurif. om. iud. nu. 6.) de territorio tamen vel districtu Ciuitatis nunquam fuisse, sed quid distinctum, vt supra. Flociq; habendam esse condemnationem factam à Gaspare Sanchez Muñoz in actu possessionis villæ de Scriche ad nouem dies, cum multos ante annos Sanctius de Heredia, dum nancisceretur possessionē eiusdem Castri & villæ similem fecerit, condemnationem ad decem, di- similem foris Turoli, vt his cōspiciatur leuidense omnino esse argumentum, quod tanti ex aduerso fit, ex quo Gaspar Sánchez Muñoz ad nouem condemna- uerit.

Et deniq; obesse Turolo præscriptionem dicti fori, *De las entregas*, & nullitatem ex eo resultantem, nec eam excludere appellationē interpositam ab Honorato Sanchez Muñoz, cum nec de impedimento, nec de connatu ad illud submouendum, nec de protestatione constiterit.

Non ignoro longè maiorem diligentiam, curam, & laborem proposita dubia pro sua dignitate desiderasse, quam, quem ego aduersa vtens valetudine adhibere potui, supplebunt tamen facile, quæ aduocato desunt, præstantissimi, & doctissimi Regij Senatores, sub quorū bona venia & ex semel bis, & tertio pro Don Dionysio in hac causa propositis, eundem in ea victoriam reportaturum spero, sub censura Dominorum meorum.

*Michael Pastor.*